

## TITUSNU NAI PAULUS YOM

### *PAULUS TITUSNU AMEG WAKNU NAI YOM*

<sup>1,2</sup> Da Paulus, da bau dayak hanhannu Kayak, Nug ham ii bubute, Nug anukanab, keeke laa ii heumpa, bau dayak hanhannu amu mega<sup>k</sup>unu nai qaka aum, amunu oolpa genab doyen, ameg mein, Kayak Nug danab ah nuhi<sup>k</sup>ud daaglagnu tituanat<sup>om</sup> ele amu ahilag oopa genab doyak ipunigte bia, amu Kayaknu nai genab ipunigte amubia ele, da Kayaknu udat danab amu Jesus Kristusnu totol danab ele daa<sup>t</sup>em. <sup>3</sup> Amu Nug haen tituanom ele amu elele anta, Nug he, nuhig nai amu miag atiom. Kayak, Nug ig edua ai<sup>k</sup>om ele amu, Nug da ele nai amu mehuqkulnu udat medom. <sup>4</sup> O Titus, i oh oopa genab doyak laipu ada<sup>t</sup>ep, oopa genab doyak amupa na da bekalnab daa<sup>t</sup>em amu, da nahipnu iiku yaat<sup>em</sup>. Kayak, ig Mamenig, amu ig edua awikak danab Jesus Kristus ele, ahilah ehanit<sup>k</sup>ak okai hamu megtep amu ahilah madod ele nahippa daaglahnu ool daate.

<sup>5</sup> Da am Krit nudpa uidmi, amunu diig amu da anuka na amenpa ami amubia, na dahil udat pehetan tudidna, tutuk<sup>u</sup> metan, na Kristen tamaniak oopa ab aben abenpa iki danab otiadkutnu apa uidmi. <sup>6</sup> Amu aun nug danab ah noolagpa onig ena ele, nug ah laipuib gamu daya, nug bekod amu ag oolagpa genab dooteb, ag mameleg o<sup>d</sup>e tapaeg ii nete, ag kobol dubutid ele ii heteb ele amu, danab amubia na iki danab maadkutnu elele. <sup>7</sup> Kristen tamaniaknu gumak iki danab amu nug

Kayaknu udat gumaṭe amunu nug bedupa ehed laa ii daama, nug danab laa amu ahilag dab mak ele hamu tapeb ii nema, nug paha opodi ii bema, nug le gagaṭag huana lanak danab ii daama, nug ban hak kobol bedupa ii niima, nug keeke kuḍumnu ameg ii qema. <sup>8</sup> Nug amu ii hema. Iiṭa! Nug do danab, ab laapanu udipeg amu ehanaṭad! Nug kobol ena ohnu oo mauhad! Nug oopa dab mak ena ele dayad! Nug tutuku opia awak dayaya, Kayaknu kobol oh dim lamiṭad! Nug nuṭa bedu atog noa hagaṭa awak ele oiyad! <sup>9</sup> Nug danab ah nai genab tutuku opia awak ipuanadkunu, nug do tape nak danab nai gagatagpa toliaṭeb, ag ahilag ehed hak amu genab miag atiak tutuku dooglagnu, nug nai genab, laa ag nug ipunidpig ele amu, gagaṭag adad!

<sup>10</sup> Ađinu? Nai tape nak danab, ag odelagpa nai meu iiṭa ham bupuak kudum maditeb ele, ag kuḍum daateb. Danab amunu oolagpa Juda laa ag gada otadaknu dab mak okai aoṭeb ele amu, ag edaṭak anuqak daaṭeb. <sup>11</sup> Danab amu ag ham bupuna, men dodo aoglagnu ipunitak nau heegeg, laa ag ahilag nai dooṭeb ele amu, ag amunu ena anana, nob laa, men dodo, madateb. Danab ag ipunitak nau amu heteb amu ag amu henana, kobol ig hekunignu elele iiṭa ele amu ipuanadna, kobol amupa ag danab laala, ag waalkad bekalkad ele oh amu ahilag dab mak kaboliteb amunu na ape, danab amu ag odelag qamuteg! <sup>12</sup> Anuṭa Krit danab ag ahilag nai mehuqak danab laa nug nuṭa kobol amunu aum. Nug inam aum. “Krit danab ag nai ham bupuak danab, ag am dod dakud nau,

ag e huanak lanana, bahilag ele yaate,” awa aum. <sup>13</sup> Nai amuam genab amunu na ag daulag gagatag batape, ag oopa genab doyak tutuku metaglag. <sup>14</sup> Ag Juda dilag kaya hamu amu danab laa ag nai genab di metan, do laala meteb ele amu, ag Krit ag nai amu, do amu ele dim lamidmananu na ape doyeg! <sup>15</sup> Am danab ag oolag dubutid iita ele amu, ahilagnu keeke oh opia awak ele daate amge danab ag dubutid ele, ag oolagpa genab ii dooteb ele amu, ahilagnu amu keeke oh opia awak iita. Ahilag dab mak amu ag oolag ele aaku dubutid teum daate. <sup>16</sup> Ag odelagpa, “Ig Kayak dootem,” ateb amge ahilag hakpa amu ag Kayak di medateb. Ag danab naunab, ag oolag dagom iita. Kobol ena laa ahilagpa ii daate amunu ag ena hekulagnu elele iita.

## 2

### *IPUNITAK NAI DIIGDIIG*

<sup>1</sup> Nahipnu amu na danab ah oh amelagpa, ipunitak nai ena adi ipunigte ele amu, na amu ipuanadna, elelepa ape doyeg! <sup>2</sup> Na danab kaino ag atog noak oina, ag kobol tutukunu dab menana, dab mak ahilag tutuku atog nonana, ag ahilag oopa genab doyak ena tutuku daakunu, ag oo mauhak dooglagnu amu ag ug ohpa gagatag daaglagnu ele ape doyeg!

<sup>3</sup> Amu na ah kaino ag ele danab ah opia awak doon oiglagnu ib daate, amubia ag tutuku oinna, ag dimug nai ii matimnanu, ag le gagatag huana ii lamananu, ag kobol ena ipunitak ah daaglagnu, <sup>4</sup> ag ah bau ag gamulkad amu ahilkad nid naunau ele dilagnu oo mauhak dooglagnu, <sup>5</sup> ag ahilag

dab mak atog nonana tutuku daaglagnu, ag laulag atog nona dab metanna bapaidkulagnu, ag danab ahilkad amu ahilkad nid naunau ele atog nona ehanadnana, dimitim danab ag Kayak nainu nai nau ii matimnanu, ag gamulkad waalagpa daaglagnu, na ah kaino ag ah bau anam ipuanadkulagnu ape doyeg!

<sup>6</sup> Amubia na danab bau ag ele oyiyak ahillag elelepaib oglagnu ape doyeg! <sup>7-8</sup> Na amu na adi hetem amu na danab ah ipulag enaib ipuanadnana, tutuku he! Na danab ipunitak madakutnu amu danab ag nahip nai ehed laa ii anidmananu amu na nai nau ele aib ou qeme. Haen oh na kobol genabib adan, na nai tutukuib matie! Na anam hekutnu diig am nahip keked ag ihinignu nai nau laa ii anidnana, ag uda nak dooglagnu na anam hekut.

<sup>9</sup> Aria begbeg danab dilagnu amu na ag ahilkad okkai waalagpa daanna, udat oh ahilkad okkai oolag ena daakunu henana, ag dagom daanna, ahilkad okkai dilag nai dim lamidkulagnu, <sup>10</sup> ag ahilkad okkai dilagpa yabhol ii hemananu, ag oolag tutuku genab ele daaglagnu, ahilkad okkai ag Kayak, Nug ig edua awikom ele amu, nuhig nai binag mekulagnu amu begbeg ag ahillag kobol ohpa enaib hekulagnu ape doyeg!

<sup>11</sup> Kayaknu ehanitak okkai hamu megte ele, ehanitak amuam edua awikkaknu diig, nug danab oh amelagpa aaku miag atiom. <sup>12</sup> Kayaknu ehanitak okkai hamu megte amu nug ig Kayak di metak kobol amu wannu oo gamag ahaknu dab mak nau ele, ig amu oh uuta, ig wan danab nau oolagpa oitta, ig dab mak atog nota aota, tutuku

oitta, Kayaknu kobol dim lanidkunignu ipunig<sup>te</sup>. <sup>13</sup> Ig anam oitta amu ig Jesus edua udiaknu ded okai amu ameg metem. Ded amupa amu Jesus Kristus, Nug am ihinig Kayak Nadi, Nug amahlak okai ele miag atiak udiku. <sup>14</sup> Kristus Nug ig do tape nak kobol ohpanu edua awikunu, ig nuhikudnab danab ah opia awak ele daatta, kobol ena tutuk<sup>u</sup> aakuib hekunignu amu Nug ihinignu mauhom.

<sup>15</sup> Na nai imu haen oh danab ah daulag gagatag batape doon, ag nai amu dim lamiteg! Danab ag na nai madit<sup>em</sup>, amunu na am keeke hamu bia aib doopig.

### 3

#### *KOBOL TUTUKU DIM LAMITAKNU NAI*

<sup>1</sup> Na danab oh ag ahilag gabman waapa ele daaglagnu daulagpa dokunu, ag dagom danab ele daan oina, ag udat ena oh hekulagnu, <sup>2</sup> ag danab laanu nai nau ii amananu, naipa nug qak ele ii hemananu, ag haen oh kobol madodib hekulagnu, ag danab ah noolagpa dagom daaglagnu ape doyeg!

<sup>3</sup> Adinu ig anam oignig? Ig ele anuka dab mak naupa oimut, nai tape nakpa, Satan nuhig ham bpuakpa, ig kaaka mauhnoak oimut. Ig oo ahaknu keeke ku<sup>dum</sup>, ig bedunig gamag ahak aokunu hemut. Ig opodi be, amya oiyak kobolpa oitta, laa dilagnu ele oonigpa aeg beum. Ig oonigpa lainkad dilagnu nau, ninig ele doot oimut. Ag ele ihinignu anamib doon oipig. <sup>4</sup> Amge Kayak, Nug am edua awikaknu diig amu, nuhig do ena, oo doyak ele miag atie, <sup>5</sup> Nug ig edua awikom. Ig ihinig hak tutuk<sup>u</sup> hemutnu laa anta ii heum. Iita.

Nug ihinignu oo gai iiتا doyom amunu Nug ig ihika, nuhig Oudiipa Nug bauklel meke, ig bau men-uak aomut. <sup>6</sup> Kayak Nug Jesus Kristus, Nug am ihinig edua awikak danab amu, nuhig udatpa Nug nuhig Oudi ig elelenab mekom. <sup>7</sup> Nug anam heum, amunu diig am, Nug Jesusnu ehanitak okai hamu megte, amupa Nug ig opia awak danab daagnignu, ig nuhig bauklel aot, hanhan daagnignu ameg mekunignu heum. <sup>8</sup> Nai amuam genabnab. Aria na nai imunu amu na hanhan pehetana abepe, danab ag Kayaknu oolagpa genab doopig ele amu, ag dab menana, hak enapa gagatag daaglagnu dab mekulag. Hak ena diigdiig amu oh am danab ah ele ehanadte.

<sup>9</sup> Amge na od mak mauhnoak, kaino onilagnu ge iiتا matiak, do meunu nug meh qak ele amu na uue! Ig dootem, keeke amu oh amu ig kobol enapa laa ii ehanigmana. <sup>10</sup> Laa ele danab laa nug tamaniak ena lopadte ele amu, na tolitak udat laipu hewona, laa ele hepe amu anam batad! Amu laa nug doyaya, baula tipaleb amu tamaniak oopanu gedite! <sup>11</sup> Na dootem, danab amu nug ib ena editom. Nuka nuhig hipuninpa nug gedidte.

### BAG QAK NAI

<sup>12</sup> Dimpa da Atemastai o iiتا Tikikastai mepi, na gumiتا ukeb amu na paha da gumidna, Nikapolis udie! Da oug haenpa amu da apa daakulnu dab metem. <sup>13</sup> Na dooyak danab Senas amu Apolos ele, a oiglahnu keekenu amu na elele ehanate! A amunu keeke laanu tutu aib daapid! <sup>14</sup> Aria ihinig danab, kristen adi, ag udat hekulagnu, ag amupa

bau dayaknu keeke aoglagnu dooglag am ena. Ag hamuib daaglagnu am aib.

<sup>15</sup> Am danab da ele daat<sup>em</sup> imu oh na humid<sup>eb</sup>. Na danab aun adi ag ig ele oh Kayaknu oonigpa genab doot<sup>em</sup>, ag ig lain<sup>kad</sup> daa<sup>t<sub>e</sub>b</sup> amu ag humi<sup>tak</sup> ihinig ag mate!

Kayaknu ehanit<sup>tak</sup> okai Nug hamu meg<sup>t<sub>e</sub></sup> amu nahippa dayad!

**KAYAKNU NAI Tituanak Bau  
The New Testament in the Nobonob Language of  
Papua New Guinea  
Nupela Testamen long tokples Nobonob long Niugini**

copyright © 1990 Wycliffe Bible Translators, Inc.

Language: Nobonob

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-07

---

PDF generated using Haiola and XeLaTeX on 11 Nov 2022 from source files  
dated 9 Oct 2020

ed374bb9-d819-53d1-a85b-f86cce3892e1